

Saedceij Raek Aengoemqbak

Aen ndwencieng bi 2020 caen daegbied, vunzlai vihliux wngqdoiq binghraq bwtndat, bouxboux cungj raek aengoemqbak, gou hix mbouj laehvaih.

Ngamq hainduj, gou raek aengoemqbak di ndeu cungj mbouj gvenq, cungj roxnyinh aenbak caeuq aenndaeng deng goemqdawz, diemheiq gig hoj.

Miz baez ndeu, gou raek aengoemqbak youq ndaw siujgih byaij. Mwhde, mbiengjde cienz daeuq sing doxndaq, gou geizheih dwk byaij gvaqbae. Laxlawz dwg miz boh'au ndeu mbouj raek aengoemqgak, de mbouj dingq bouxbaujanh gienq-laengz yaek haeuj ndaw siujgih bae, de leix deng heiq gaengq dwk naeuz: "Ndangdaej gou mbouj miz saek yiengh bingh, caiqgangj raeuz gizneix gig ancienz, mbouj miz boudengraq, vihmaz aeu raek aengoemqbak ne?" Boux boh'au baujanh naihsim gienq de, de lijdwg dingq mbouj haeuj rwz.

Gyoengqvunz youq henz yawj mbouj gvaq da, daihgya hix okdaeuq faenfaen gienq de. Miz vunz nai de naeuz: "Raek aengoemqbak dwg vih mwngz ndei." Miz vunz hozndat naeuz: "Mwngz yienghneix haih daihgya bw, binghdoeg lij ndaej doenggvaq



heiqyungzgyau cienzlah ne." Lij miz vunz vahnaek cingzlaeg naeuz: "Mwngz baenzlawz ndaej baujcingq gij vunz byaij gwnz loh cungj dwg ndangcangq? Saeklaeuq mwngz deng cienzlah le hix deng cienzlah hawj vunz ndaw ranz mwngz bw." Daihgya mwngz

coenz ndeu gou coenz ndeu, boux boh'au neix cij roxdaengz swheij loek lo, naj nding dwk raek aengoemqbak lo. Daihgya hix cuengqsim sanq bae lo.

Yawj gyoengqvunz byaij bae gya, gou youh caiq raek aengoemqbak ndei, ma ranz lo.

Ma daengz ranz, gou couh duet aengoemqbak roengz, yawj aengingq, aenvih aengoemqbak haed ndaej ndaet lai, gwnz naj at miz baenz diuz baenz diuz riz, hoeng siengj daengz swheij hag rox re bingh, couh riu lo. Seizde, gou roxnyinh swheij lumj guhsat gienh saehhung ndeu nei, yawjaen gofaex gova rog cueng maj ndaej engq mwn engq ndei yawj lo.

Seizneix, gou raen gwnz cigunghgyauh, ndaw didez, ndaw cauhsi..... Daihgya cungj sibgvenq raek aengoemqbak, neix gaengq dwg cungj gingjsaek ndaw gwndaenj raeuz lo.

Gou saengq, saedceij raek aengoemqbak mbouj yienghneix raek roengzbae, aenvih raeuz roxriuj gingqlau sengmingh, engq rox baenzlawz dingj rumz doxhwnj, giengiengz, ndangcangq gwndaenj roengz-bae.

(Lij Veijhauz)



Daxboh caeuq daxmeh youq henz dah dajsaeg, gou naengh youq ndaw batfaexlaux, daxboh aeu cag cug aenbatfaex.

Daxboh ha, gej diuz cag cug aenbatfaex de bae vei,

Daxmeh ha, hawj gou naengh aen ruziq neix, riengz raemxdah lae bae baihgysae vei!

Lae gvaq rangh gungxdah laeglaeg faex raemhrwdrwd de,

Lae gvaq henz raiq miz sing fwen yiengsadsad de,

Ndonj gvaq dinbya heuswdsd de,

Ndonj gvaq song henz va hai rimdoh de.

Youq gwnz roen dingq duzroeg eufwen, yawj duzmbaj diuqfoux;

Youq gwnz roen miz ndit ronghsagsag, miz rumz ciffi.....

Daxboh ha, gej diuz cag cug aenbatfaex de bae vei!

Daxmeh ha, hawj lwg naengh aen ruziq neix, riengz raemxdah lae bae baihgysae vei!

Gou naengh aen ruziq neix, soh lae bae daengz ndaw haij.

Daxboh ha, mwngz mbouj dwg naeuz gvaq ha, ga dah neix lae bae daengz ndaw haij bw, henz haij miz sae' gyap gyaundeit dangqmaz gip cungj gip mbouj liux bw.

Daxmeh ha, daxmeh goj naeuz gvaq, ga dah neix lae bae daengz ndaw haij bw, ndaw haij miz nonnywjaemx gyaundeit dangqmaz bw.

Gou gip sae' gyap coq rim aenruz soengq hawj daxboh. Daxboh angqvauvau, dwg lwi, daxboh ha?

Gou gip nonnywjaemx coq rim aenruz soengq hawj daxmeh. Daxmeh gyaed dakraix, dwg lwi, daxmeh ha?

Lwglimz

Gou rox mwngz gyaed geij naed lwglimz neix dangqmaz.

Aenvih mwngz sij mbouj ndaej baen gou saek naed nauq;

Aenvih mwngz ciengzseiz haenh gyoengqde gyaundeit, dwk youq ndaw habgingq gyaundeit de hawj vunz yawj.

Mwngz laihnaeuz gyoengqde yiengh-neix couh angqfaengz lai ma? Beixmbauq ha, gyoengqde haemz mwngz dakraix go.

Aenvih gyoengqde youq ndaw hab lumjbaenz dai bae nei.

Aenvih gyoengqde naednaed cungj siengj maj baenz go faex ndeu.

Vanq gyoengqde youq gwnz ndoi bya bae vei, beixmbauq ha.

Hawj gyoengqde maj baenz faexlwg bae vei, youq gyang nditndat maj baenz faexlimz sangsang bae, mbawfaex heuswdsd venj gwnz faex.

Hawj gyoengqde dingq gyoengq duzroeg youq laj raemhfaex guhfwen vei.

Hawj gogo faex cungj miz haujlai haujlai lwglimz vei, vunzlai cungj gyaed de maj de.

(Daj 《Bonjsei Sim Lwgnyez》 (Veiz Gizlinz raiz) senj okdaeuq, Lwgfwngzmei/ 卢奋长 hoiz)



Gaej Luenh Vut Naengmak

Miz ngoenz ndeu, banringz mbwn gvengqyauyau, Siujmingz sij cozyez sat le, de angqvauvau, fwngz gaem aen makgyoi he, mienh gwn mienh byaij ok rog bae ra doengzdohi guhcaemz.

Mwhde, Siujhoengz cingq youj bat raemx ndeu byaij youq baihlaeng Siujmingz. Siujmingz gwn makgyoi sat le couh swnh fwngz baez gveng, naeng makgyoi couh gveng youq gwnz dieg baihlaeng de. Siujhoengz mbouj haeujsim caij deng naeng makgyoi, conj laemx lo, lienz bat daiq raemx mbin daengz gwnz gyaed Siujmingz bae, Siujmingz daengx ndang cungj deng rwed dumz, baenz duz "gaeqdoekraemx" lo.....

Siujhoengz goq mbouj ndaej yawj swheij deng mbouj deng sieng, gipmuengz ndwn hwnj naeuz: "Doiq mbouj hwnj! Gou mbouj dwg daegdaengq law." Siujmingz naeuz: "Mbouj law, dwg gou loek lo!" Siujhoengz ngeizvaeg cam: "Vihmaz ha?" Siujmingz naeuz: "Dwg gou luenh vut naeng makgyoi, mwngz cij deng laemx hane." Gangj le, Siujmingz gungj ndang gip aeu naengmak, cuengq haeuj doengj-nyapnyaj bae. Siujhoengz yaengx mehfwnz coh Siujmingz naeuz: "Mwngz caen dwg boux lwgnyez ndei rox loek couh gaj he."

Siujmingz gaugaeu laeng gyaed, mbouj eiqsei naeuz: "Gou baezlaeng caiq hix mbouj luenh vut naengmak lo."

Gangj le, song boux de angqfwngfwng doxcae ma ranz lo.

(ngeih nienzgaep Bwz Beizgiz)